



Broj: GIK-00-4/24.
Dana: 01.02.2024.godine

CENTRALNA IZBORNA KOMISIJA BIH
Danijela Ozme 7.
71000 sarajevo

PREDMET: Izvještaj o obilježavanju Svjetskog dana izbora, dostavlja se

Veza vaš akt broj: 04-02-50-4-47-1/24.od 16.01.2024.godine

Gradska izborna komisija Bosanska Krupa je na svojoj sedmoj sjednici donijela zaključak da na prigodan način obilježi Svjetski dan izbora i to na slijedeći načina:

- *Da se pošalje obavijest JP "RADIO BOSANSKA KRUPA" (lokalni radio) kako bi se građani Bosanske Krupe upoznali sa značajem obilježavanja Svjetskog dana izbora, te aktivnostima koje će Gradska izborna komisija poduzeti da se isti obilježi,*
- *Emitirana je radio emisija (uživo) na temu obilježavanja Svjetskog dana izbora sa predsjednikom GIK Bosanska Krupa 29.01.2024.godine i*
- *Dana 01.02.(četvrtak) 2024.godine u sali BFC (Business Friendly Certification) Radnička bb, Bosanska Krupa, sa početkom u 12,40 sati, Gradska izborna komisija Bosanska Krupa, u saradnji sa JU „Opća gimnazija „Bosanska Krupa i JU Mješovitom srednjom školom „Safet Krupić“ Bosanska Krupa je prigodnim programom promovisala inicijativu za obilježavanje Svjetskog dana izbora u Bosni i Hercegovini.*


Na obilježavanje Svjetskog dana izbora Gradska izborna komisija je pozvala učenike završnih razreda, koji su punoljetni, odnosno koji će do oktobra 2024. godine biti punoljetni. Veliki broj učenika se je odazvalo pozivu (cca 60 učenika)

Učenicima se je kroz obilježavanje ovog datuma pokušao približiti cjelokupni izborni proces, koji uključuje nadležnosti Centralne izborne komisije, Gradske izborne komisije, Centra za birački spisak – njihova prava, dužnosti, obaveze, imenovanje biračkih odbora, obuke biračkih odbora, formiranje mobilnih timova, i sl.,

- **Napravljen je i prigodan letak sa kratkim istorijatom te podjeljen svim prisutnim učenicima.**

PRILOG:

- **Obavijest JP "RADIO BOSANSKA KRUPA"**
- **Letak**
- **Fotografije**



PREDSJEDNIK KOMISIJE

Sendi Harčević, dipl. ecc.

Dostaviti:

1. **Naslovu**
2. **Web stranica Grada Bosanska Krupa**
3. **a/a**



Broj: GIK-00-3/24.
Dana: 23.01.2024. godine

**JP „RADIO BOSANSKA KRUPA“
BOSANSKA KRUPA**

PREDMET: O b a v i j e s t

Poštovani,

Dana 01.02.(četvrtak) 2024.godine u sali BFC (Business Friendly Certification) Radnička bb, Bosanska Krupa, sa početkom u 12,40 sati, na preporuku Centralne izborne komisije/Središnjeg izbornog povjerenstva BiH, Gradska izborna komisija Bosanska Krupa, u saradnji sa JU „Opća gimnazija „Bosanska Krupa i JU Mješovitom srednjom školom „Safet Krupić“ Bosanska Krupa će prigodnim programom promovisati inicijativu za obilježavanje Svjetskog dana izbora u Bosni i Hercegovini.

Na obilježavanje Svjetskog dana izbora ove godine Gradska izborna komisija je pozvala učenike završnih razreda, koji su punoljetni, odnosno koji će do oktobra 2024. godine biti punoljetni.

Učenicima se kroz obilježavanje ovog datuma će se pokušati približiti cjelokupni izborni proces, koji uključuje nadležnosti Centralne izborne komisije, Gradske izborne komisije, Centra za birački spisak – njihova prava, dužnosti, obaveze, imenovanje biračkih odbora, obuke biračkih odbora, formiranje mobilnih timova, i sl.,

Obilježavanjem Svjetskog dana izbora se želi skrenuti pažnja na važnost održavanja izbora.

Na konferenciji Udruženja izbornih zvaničnika Evrope održanoj u Mađarskoj 2005. godine, više od 20 zemalja članica dogovorilo se o pokretanju inicijative da se prvi četvrtak u mjesecu februaru utemelji kao dan, koji bi u cijelom svijetu predstavljao zaštitni znak demokratskih izbora, odnosno kao **Svjetski dan izbora**.

Gradska izborna komisija Bosanska Krupa se, na preporuku Centralne izborne komisije BiH, pridružila ovoj Inicijativi Udruženja izbornih zvaničnika Evrope (ACEEEE) da se prvi četvrtak u februaru obilježava kao Svjetski dan izbora.

S poštovanjem



PREDSJEDNIK KOMISIJE
Senad Harčević, dipl. ecc.

Dostaviti:

1. Radio Bosanska Krupa
2. a/a

Svjetski dan izbora

Na konferenciji Udruženja izbornih zvaničnika Evrope (ACEEEO) održanoj 2005. godine, više od 20 zemalja članica dogovorilo se o pokretanju inicijative da se prvi četvrtak u mjesecu februaru utemelji kao dan, koji bi u cijelom svijetu predstavljao zaštitni znak demokratskih izbora, odnosno kao **Svjetski dan izbora**.

Centralna izborna komisija BiH već petnaestu godinu promovira tu inicijativu.

Najvećim djelom istorije ljudi su živeli u državama koje nisu priznavale ljudska prava. Prvi dokumenti kojima se proklamuju ljudska prava potiču iz osamnaestog vijeka. Raniji dogovori i proklamacije koji se obično navode kao dokumenti kojima se utvrđuju i garantiraju ljudska prava uglavnom se odnose na priznanje da ljudi imaju prava nezavisno od suverenove volje. Deklaracija prava čoveka i građanina iz 1798. godine je jedan od osnovnih dokumenata Francuske revolucije, koji određuje pojedinačna prava (i kolektivna prava naroda prema državi). Francuska revolucija sa svojom Deklaracijom o pravima čoveka i građanina postavila je kamen temeljac čovekovim pravima i slobodama, bez kojih se ustavna demokratska država danas ne može ni zamisliti, a kamoli život u njoj.

Međunarodni standardi o ljudskim pravima su prije svih i iznad svih izraženi u Općoj deklaraciji UN o pravima čoveka iz 1948. godine koja predstavlja najznačajniju kodifikaciju ljudskih prava te ovo stablo prirodnih prava razgranaće se širom naše planete.

Istorija nastanka Evropske konvencije o ljudskim pravima objavljene u Rimu 1950. godine sa svih 14 Protokola, naknadno usvojenim, pokazuje da taj put zaštite ljudskih prava i sloboda nije bio kratak, a još manje jednostavan.

Volja naroda temelj je državne vlasti, ta se volja mora izražavati na povremenim i poštenim izborima, koji se provode uz opće i jednako pravo glasa, tajnim glasanjem ili nekim drugim jednako slobodnim postupkom glasanja.

Zbog svega navedenog i Centralna izborna komisija BiH zajedno sa Gradskim/ Općinskim izbornim komisijama u BiH u kontinuitetu daje snažnu podršku Inicijativi Udruženja izbornih zvaničnika Evrope (ACEEEO) da se prvi četvrtak u februaru obilježava kao Svjetski dan izbora.









